

## LETTRE

## D'VN GENTIL-HOMME


DE HAYNAVT, A VN sien amy de Gand,

Touchant l'estat present des affaires du Pays bas.



M. D. LXXXIII.

668





## Lettre d'vn gétilhomme d'Haynaut,

à vn sien amy, touchant l'estat present des affaires du pays bas.



ONSIBVÉ, vous m'exhortez par plusieurs argumens de sortir de l'estat miserable ou nous sommes, & de moyenner la reunion de ces prouinces: je vous suplie de croire, que plusieurs auecq moy voyent assez, que si nous demourons long temps en ceste sorte, que nous causerons finalement la ruyne les vns des autres: A cause de quoy suyuant vostre conseil, nous taschons par toutes voyes à y mettre remede, & tra-uaillons sur tout à ramener ceux, qui par cy

deuant se sont laissez escouler aux persuasions industrieuses des aduersaires: Enquoy j'espere que nous ferons auecque le temps quelque proufit, & quils se resoudront, quoy que tard, à y prester l'oreille: voire sipar delà vous ne nous retrenchez tout ce qui nous reste encores d'esperance: chose dont nous auons pardeça fort grand peur, entendans les progres & auancemens ordinaires de l'ennemy, sans estre empesche en saçon quelconque: joint que mesmes le bruit est, que seriez comme endormis, faillis de cœur & de courage, fans vouloir prendre en main comme il appartient, les moyens que Dieu vous presente, pour voltre & nostre deliurance. Les principaux instrumens dont l'ennemy se fert pour nostre ruine, sont ceux qui faisans bonne mine au millieu de vous, entretiennent neantmoins auecq eux secrete intelligence: ayans pour cest effect, à deniers contans vendu leurs corps, ames & consciences: Quelques vns d'entr'eux ont ces jours passez esté attrappez, & fait prisonniers en Anuers & à Gand, sur le poin & qu'ils pensoyent executer leur entreprinse : l'ennemy en a esté pardeça en grand esmoy, tant, comme ie croy, pour barrest du cours de sa prosperité esperce, que pour la crainte qu'il auoit que les prisonniers iettez sur la gehenne, auroyent du tout decouuert le pot aux roses, & decelé tous autres qui entretenoyent semblable ou autres correspondances. 201 aup 2 , aniqui mon

Cependant, si le bruyt qui court pardeça n'est vain (dont nous nous

A ij

doutons bien fort pour voir que l'ennemy s'en est quasi mis à repos) tant s'en faut qu'aucun d'entreux soit encor executé, mis sur la gehenne ou autremet interrogué selon le merite d'vne matiere si importate, que mesmes aucuns d'entr'eux seroyent en leurs maisons en liberté entiere, les autres auroyent des Auocats à force, voire mesmes dentre ceux qui sont en dignitez, & charges importantes. Ces nouvelles nous entretiennent en vne bien grande crainte, & nous font douter, que tard nous entreprendrons à nous rejoindre, & qu'en vain nous tascherons à r'allier les Prouinces. Et de saict à quoy sert ceste vostre lente & molle sacon de faire, à l'endroit des prisonniers, assez covaincus d'auoir entreprins côtre leur patrie? sinon à leur doner courage, les asseurer, cofirmer & fortisier en leur entreprinse: doner hardiesse aux autres, d'entreprendre choses semblables: nourir par vne cruelle miscricorde en vostre sein, le serpent qui eschauffé vous picquera d'vne façon mortelle: & en somme, adjouster huyle au feu, au lieu d'eau, qu'il faudroit pour l'esteindre. Car ne penses pour les retenir quelque téps en prison, auoir osté toute vigueur à leur entreprinse: cela n'est que couurir le seu, & point l'estein dre: Ils ontencores des compaignons beaucoup, voire au millieu de vous, de vos conseils, & resolutios ordinaires: & lesquels non seulemet vous empescherot, & moyenneront auec le temps leur deliurance mais vous couperont encores finalement la gorge. Vous auez doncq plus que jamais occasion d'auiser à vostre sait, & croire bien fermemet, que si par vn chastiment exemplaire (ce dont pardeça ils ont grand crainte) vous ne desracinez & extirpez du tout la voluté mauuaise des meschas, & fortifiez la craintiue foiblesse des bons, il y a danger, que le feu de ceste conspiratio, qui ne sait que couuer, viendra à s'enstamber de nouueau d'vne faco si estrage, qu'il causera vn embrasemet general & tresdangereux à la reste de toute la Flandre. Le Prince de Parme vous a enseigné, comment il faut manier telles matieres : La teste du Sieur de Heze nous en fait foy, & vous apprent & instruit de ce que vous auez à faire. Or afin que non seulement vous preniez exemple à vos ennemis, qui ont fait mourir ce Seigneur principal, pour s'estre repenti de sa faute passe, mais à d'autres plus gens de bien qu'eux, & l'authorité desquels vous deuroit seruir de regle: l'ay pensé que je serois chose accomodee au temps present, si je vous mettois deuant les yeux la resolution du Senat Romain sur la deliberation d'vne semblable matiere. Vous auez, comme ie m'asseure, autrefois leu aux histoires Romaines, que Catilina, Lentulus, & autres conspirerent contre la repu. blique de Rome, & qu'en ces entresaites quelques vns d'entr'eux furent surprins, & que les autres estans eschappez, se meirent aux champs pour faire guerre ouuerte à leur patrie. Or comme lon auoit d'vn costé

la guerre au dehors, & que d'ailleurs on se doutoit au dedans d'vne grande intelligence en faueur de la coniuration : le Senat s'assembla pour deliberer sur le fait des prisonniers, qui tous estoyent personages de marque. D'vn costé leur qualité, leur race & parentage causoit difficulté à les faire mourir cotre les coustumes, ordonnances & privileges des citoyens de Rome: D'aultre costé le dager de la republicque leur estoit deuant les yeux, & leur propre peril les émouuoit à vengeance: tellement que la decission de ce debat, estant quasi en ballance egalle, deux harengues brieues & bien troussees contraires l'vne à l'autre, furent mises en auant, par deux grands personages, par lesquelles ladite matiere fut terminee. Or pource qu'il se retrouue en icelles presques tout ce que pourroit estre deduit sur la matiere de la conspiration dont il est à present question au millieu de vous (j'entens celle des prisonniers qui sont à Gand & ailleurs:) Ie les vous ay bié voulu representer & traduire au mieux que m'a esté possible (car la brieueté & grace du langage Latin est singuliere) afin que par la lecture d'icelles vous puisiez juger commodement, & veoir comme en vn miroir, ce qu'en l'occurrence presente il est expedient de faire pour l'vtilité publique. Le conseil donc assemblé pour deliberer sur le fait des prisonniers, & le Consul futur Sillan, ayant ja conclu qu'il les falloit executet à morr, pour deliurer la republique de toute crainte, Iule Cesar, que plusieurs estiment auoir eu cognoissance de la conspiratio, les voulant deliurer de ce danger imminent, se leua sur pied & parla en ceste sorte:

Ovs hommes, Peres conscripts, qui sont en deliberation de choles douteuses, doiuent estre esloignez de hayne, d'amitie, d'ire & de misericorde: l'esprit de l'homme ne peut aisément bien iuger, quant il est troublé de telles affectios: & ne scauroit en vn mesme temps auoir ensemble esgard au plaisir d'autruy, & à l'vtilité publicque : s'il applique son entendement à bon escient à quelque affaire, il y prousite: mais s'il est distrait d'appetit ou volunté desordonnee, il ne fait chose qui vaille. l'ay matiere abondante pour commemorer les Rois & peuples, qui, esmeus d'ire ou misericorde, ont mal pourueu à l'estat de leurs affaires: mais i'ayme à me restraindre aux choses que nos predecesseurs ont jadis fait excellemment, & bien à propos, contre l'appetit de leurs affections propres: La grade & magnifique ville de Rodes creue & enrichie par la faueur des Romains, nous estoit contraire en la guerre que nous auions contre Perses en Macedoyne: & toutesfois quant icelle finie, lon delibera de leur fait, nos predecesseurs n'en prindret végeace quelconque: de peur que lon n'estimat la guerre auoir esté entreprinse contre eux, plus pour auoir leurs richesses, que pour venger l'iniure quils

qu'ils auoyentfaice. Iamais aussi aux guerres Punicques, quant ceux de Carthage & en paix & en trefues, eussent perpetré beaucoup de choses intolerables, n'a esté decerné aucune chose rigoureuse: cerchans tou siours nos predecesseurs, à faire plustost chose conforme à leur dignité, que ce que de droit auoyet merité les autres: Et c'est cela que vous deuez encores faire aujourdhuy, & ne permettre que la faute de Lentulus & de ses complices, ait plus de pouuoir aupres de vous, que lesgard de vostre dignité propre: et ne faire plus d'estat de contenter voftre courroux, que d'auoir soin de vostre renommee. Certes s'il se trouue quelque peyne digne de leur forfait, i'auoueray voluntiers vn tel nouueau conseil: mais si la grandeur de leur delict passe nostre entendement, ie suis d'aduis que nous nous contetons des remedes que les lois nous ordonnent. Plusieurs d'entr'eux qui ont parlé deuant moy ont par sentences belles & elegantes, monstré auoir pitié de la republiq: ont discouru de ce qu'auient ordinairement aux vaincus, & remonstré quelle est la miscre & cruauté de la guerre: en laquelle les filles sont violees, les enfans tirezd'être les bras de leurs parés, & les matrones pudiques sont cotraintes d'obeir aux vouloir desordoné des vainqueurs: les maisons & temples sont spoliez, & tout est mis à seu & a sang, & finalemet tous lieux & places sont comblez de corps morts, pleurs & lamentations: Mais, par les Dieux viuans, à quoy peuuent tendre tous ces difcours? est-ce pour vous rédre courroucez contre les coniures? ou pour allumer par parolles, ceux qui ne peuuet estre esmeus par saicts cruels & felős? Cen'est pas pour cela: car nul home n'estime peu le tort qu'o luy fait, ains plusieurs l'ont plustost resenti trop viuemet: Mais toutes choses P.C.ne sont permises egallemet à tous. Si quelqu'vn d'entre le peuple commet quelq faute par trop se courroucer, peu scauet le faict, & ceux la mesme sont de codition pareille: mais ceux qui commandet à quelque grad estat, viuent comme en vn theatre publicq, & sont à la veue de tout le mode: tellemet qu'en vne grade & excellete fortune, il leur demeure aussi bié petite licéce: & ne leur est loisible de s'estudier à hayne, mais se doiuent peu souvent courroucer: & ce qu'en autruy pourroit estre appellé courroux, sera en leur endroit estimé orgueil & cruaulté. Certai. nement P. C.j'estime la faute des Conjurez estre plus grande, que toutes les peines & tormens qu'on leur pourroit saire souffrir: & croy fermement, que ce que Sillan vient de dire, luy est procedé de l'affection qu'il porte à sa patrie, & qu'é chose si importate il n'a eu esgard à amitié ou hayne: ie cognoy bien les meurs & condition d'vn tel personage, mais toutesfois encore que son intention ne m'a point semblé cruelle (car quelle cruauté pourroit estre exercee contre telle sorte de gens) si me semble elle hors de saison, & nullement conuenable à l'estat present

de la republique: Car certainemet, o Silan, ou bien la crainte, ou la vengeance qu'ont merité, ceux cy t'a induit à decerner contre eux vn nouueau suplice: de la peur, est chose superflue de parler, y estant vn si bon nombre de gens en armes, par la diligence de nostre Consul Ciceron: quant à la peine qu'ils ont merité, ie puis dire ce qui est veritable, que la mort est le repos de ceux qui sont en tristesse & misere, & non point tourment & peine: que c'est elle qui appaise tous les maux des hommes, & qu'outre icelle il n'y a lieu à joye ne tristesse. Mais je vous suplie, que n'auez vous adjoussé à vostre auis, qu'on les deust premierement fouetter à outrance? est-ce pource que la loy Portiale defend? Il y a d'autres loix aussi qui commandent d'enuoier en exil les citoiens conuaincus, & non point les executer à mort, comme tu ordones: mais est-ce pource que c'est chose plus griefue d'estre fouetté, que d'estre tué? quelle chose peut estre estimee griefue pour ceux qui sont coulpables de crimes si grans: si c'est pour estre chose plus legiere, d'ou vient ce qu'en chose de petite consideration lon obserue la dite loy, que vous negligez en affaires de si grande importace? Mais (dira. lon) qui reprendra quelque chose decretee contre les paricides de la republique? le temps, les occasions & la fortune, quiselon son plaisir conduit & gouverne les peuples : ceux donc cy aurot bien souffert ce qu'ils ont merité, mais vous P.C. auisez bien ce que vous ordonnez & decernez contre autruy. Tous mauuais exemples sont venus de bons commencemens: quand le pouuoir que vous auez à cest'heure es mains, viedra cy apres es mains de moinsgens de bien que vous: ce nouueau exemple de suplice que vous voulez ordonner maintenant, viendra de ges experimentes comme vous estes, à d'autres indignes & peu idoines. Les Lacedemoniens ayans vaincus ceux d'Athenes, establirent trente personnes pour gouverner leur republique: Ceux la au commencemet firet tuer sans forme de iusticeles plus meschas & plus hays d'entreux: leur fait fut loué du peuple & jugé d'estre executé selo merite: mais aias leur authorité pris plus grade licéce, ils s'attacqueret puis apres indifferemment aux bons & mauuais: tellement que la ville opprimee de seruitude, paya la peine de sa folle ioye. De nostre temps, apres que le vainqueur Silla eut commandé de saire mourir Damasippus & autres qui estoyent creus par les miseres de la republique, qui fust-ce qui n'estimast le fait digne de louange? & ne dit que ces gens la qui par seditions au oyent troublé la republique, au oyent esté executez à occasion iuste: mais cest affaire la fut vn commencement d'vne grande boucherie: car felon que les gens de Silla auoyent enuie de la maison, cense, meubles ou chose d'autruy, ils donnoyent ordre qu'il sut mis aurengdes proscripts: Tellement que ceux la mesmes ausquels la mort de Damalippus

masippus avoit esté sort agreable, surent envelopez en calamité pareille, laquelle ne cessa jusques à ce, que tous les gens de Silla sussent pleins & assouuis de richesse. Or je ne crains point cela en ce temps, ny denostre Consul Ciceron: mais en vne ville grande comme ceste ci, il y abeaucoup d'esprits de diuerse sorte: en aultre saison, & du téps d'vn autre Consul, qui aura les armes en sa puissance, pourra estre creu quelque chose fause pour veritable : Si parnostre exemple & decret du Senat, il tire lors vnefois le glaiue, qui pourra puis apres moderer ou mettre fin à ses entreprinses commencees? Nos predecesseurs P.C. n'ont oncques eu faute de courage, ni de conseil: & n'ont aussi esté depourueus d'affection de gloire, pour imiter les statuts des autres peuples, quad ils les estimoyent bonnes: ils ont prins leur espe d'armures des Samnites : les enseignes des magistrats de la nation Tuscane: brief, ce qu'ils trouuoyét de bon chez leurs voisins, aliez, voire chez leurs ennemis, estoyt prattiqué par eux en leur republique: En la mesme saison aussi à l'exemple des Grecs ilz corrigeoyent les sautes de leurs citoyens par le fouet, & faisoyent mourir ceux que lon conuainquois de crime: mais depuis que la republique deuint puissante, que les fa-Aions des citoyés vindrét en vsage, & que les innocents comencerent à estre couaincus par la fraude & astuce des meschas: alors la loy de Portius & autres ont esté mises en auant, par lesquelles l'exil a esté accordé aux condamnez, pour dernier suplice: l'estime P.C.ces choses assez bastantes pour vous esmouuoir à ne prédre quelque resolution on accoustumee cotre ces ges cy. Certainemet la vertu& sagesse a esté trop grade en nos predecesseurs, qui nous ont acquis cest empire, qu'en nous qui à grad peine le pouuos maintenir en son estre. Quoy doncq?est il questio de pardonner aux Conjurez, afin qu'ils aillent augmenter les forces de Catilina? ce n'est pas mon auis cela, mais ie suis d'opinio qu'on consque leurs biens, & qu'on les tienne prisonniers aux villes voisines, & plus opulentes d'entre celles qui dependent de nostre empire: de peur que cy apres quelqu'vn ne se trouue qui rapporte derechef la chose au Senat, & tienne au peuple que celuy qui aura fait autrement, aura fait contre le bien de la republique.

Telle sut la subtile & attraiante harengue de Cesar, en saueur des Conjurez: au moyen de laquelle, peu en salloit qu'il ne gaignast sa cause. Sillan mesme qui auoit au parauant esté d'auis, les punir du dernier suplice, interpretant son dire en une saçon nouvelle: & l'eust gaigné certainement, si le sage Caton n'eust renuersé son dessein, descouvert l'imposture de sa harangue, & remonstré le danger auquel tomberoit la republique si pestes tant dangereuses eschappoyent, sans porter la peine

à leur merites: icelluy donc voyant le Senat quasi esmeu de ceste harëgue, & que Ciceron mesme (taxé obliquement par Cesar de tyrannie, & menacé de rendre quelque jour raison de ceste execution deuant le peuple, comme puis apres auint) flechissoit aucunement de sa resolutio premiere, commença à haranguer en ceste maniere:

VAND ie considere de pres l'estat present de noz affaires, & le peril ou nous sommes, mon opinion (Peres conscripts) est bien diuerse de celle, qu'aucuns vienent de proposer. Ceux la me semblent auoir disputé du suplice qu'ont merité ceux qui ont esmeu guerre contre leur patrie, parens, autels & foyers: mais l'estat present nous admoneste plustost de nous garder d'eux, que de cosulter de ce que decernerons de leur suplice: Car toutes autres sortes de malefices peuuet estre chastiez, quant ils sont commis & perpetrez: mais cestuy dont il est questió, si vous n'y pouruoyez de bonne heure qu'il n'auienne, en vain aurez vous puis apres recours à pronocer contre eux quelque sentéce: La cité estant prinse, il n'y a rien de reserué pour les vaincus. Mais par les Dieux viuants (ie parle à vous autres, qui auez de tout temps plus faict d'estime de vos maisons, heritages, obligations & registres, que du bien de la republicque) si vous voulez garantir toutes ces choses que vous auez tant cheres, & si desirez encore auoir temps & loisir pour vous saouler de vos delices, esueille vous, ie vous suplie, à ce coup, & prenez à cœur l'estat present de la republicque: Il n'est icy question de nos peages ou reuenus, ni de quelque iniure particuliere que nous font nos voisins & alliez, c'est nostre liberté, c'est nostre vie, qui est en peril extreme. l'ay souventes sois parlé en ceste assemblee, Peres conscrips, & me suis souvent pleint de la luxure & auarice de nos citoyens, & pour cela, aussi ay-ie acquis vne infinité d'énemis: mais ne donnant à moymesme, ni à mon esprit aucune grace de malfaire, malaysemet pouuois ie pardoner à l'appetit d'autruy, les fautes de quelqu'un: Or encore que vous a yez tousiours fait peu d'estime de telles remostraces, toutes sois pource que l'estat de la republique demeuroit ferme & stable, & que nos grandes richesses soustenoyent vostre negligence, ie le supportois: mais à ce coup il n'est pas question, si nous viurons bien moriginez bones ou auec meurs mauuaises, ny du plus ou moins de la magnificence de nostre empire: mais si l'estat & la dignité d'iceluy quel qu'il soit, demourera nostre, ou nous deuiedra comun auec les ennemis. Est il donc à cest' heure temps de parler de mansuetude, ou de faire misericorde? Certes long temps y a, que la vraye fignification des mots n'est plus en vsage, & que donner le bien d'autruy, est appellé liberalité, & l'audace d'entreprendre chose meschante, est interpretee vaillance: La republicque

que est venue à ceste extremité: mais ainfisoit, & quecela ait lieu, puis que c'est ainsi la coustume: qu'on soit liberal des bies d'autruy, & qu'on pardonne aux larrons du thresor de nostre ville, pourveu qu'on ne soit large de nostre sang, & que pour espargner quelque nobre de meschas, tous les gens de bien ne vienent en extreme ruine: Cesar a tantost discouru de la vie & de la mort, estimant (comme ie croy) estre faux ce que se dit de l'enfer, & n'estimant que les meschans aillent en lieux obscurs, hideux & fort escartez du repaire des bons: & pourtant a estimé souffire comme chose plus griefue, que les biens de ces gens icy, soyent confisquez, & que au reste: ils soyet tenus en prison es villes d'enuiron: Il est en crainte, comme ie pense, s'ils demeurent prisonniers à Rome, qu'ils ne soyent deliurez par la force de leurs compaignons, ou par le peuple à ce loué par eux: comme si les meschans n'estoyent ailleurs qu'en celte ville, & ne fussent espars par toute l'Italie, ou que l'audace des meschas ne fult plus grande aux lieux ou ils estiment le moien moindre pour refister à leur entreprinse : & pourtant ce sien conseil est vain, s'il estime quelque peril en ces choses: que si au reste luy tout seul n'a aucune pœur en ceste crainte publicque, j'ay d'autant plus grande occasion de auoir crainte de moymesme, voire de tous vous autres ensemble. Soyez doc certains & resolus que ce quevous ordonerez de Létulus & des autres conjurez qui sont maintenat en vos mains, aura aussi lieu alendroit de Catilina au dehors, & enuers tous autres qui fauorifent à leur entreprinse: & que d'autant plus courageusement, vous vous porterez en cest affaire, plus aussi vous leur osterez tout courage de poursuiure leur pointe: la ous'ils apperçoiuent, tant soit peu, que vous y allez lentemet, ils se confirmeront & se resoudront obstinément en leur entreprinse: N'estimez point que noz predecesseur aient rédu ceste republique de petite grande, par force d'armes: si cela eust esté, nous l'aurions plus belle & plus florissante, car nous auons plus d'alliez, force, citoyés, grad nombre de cheuaux & d'armes. Autre chose qui nous deffault à cest' heure, les a fait paruenir à grandeur & reputation: viure sobrement, & industrieusement à la maison: & gouverner au dehors les provinces par equité & iustice: vn esprit libre pour dire franchement son opinion, & nullement subject ou coulpable de crime ou volunté desordonnee: au lieu de quoy nous auons maintenant au millieu de nous, luxure, auarice pouureté publiq. & richesses princes: nous prisons d'auoir des biens, & viure en oyfiueté:il n'y a nulle differece entre les bos & maunais: les ambitieux possedet tous loyers deus aux vertueux, telemet qu'il n'est merueille, que pendant que vous consultez chascun en vos maisons coment vous auancerez vos propres affaires, & qu'estans au Senat vous vendez vos voix à deniers contans, ou les faites seruir à grace, & comperage, quel-

quelques autres facent entreprinse contre la republique qu'ils trouuent vuide de dessence : mais c'est assez de cela: Quelques Citoyens nobles ont cospiré de mettre à seu & à sang leur patrie, ils ont appellé à la guerre lanation Gauloife, nos ennemis mortels: leur chef auec armee nous pache ja sur la teste, & approche de nos portes, & vous cessez & doutez écor ce qu'il en faut faire, apres les auoir surprins dans l'enclos de vostre ville? Ayez pitié d'eux, escoutez ceux qui les excusent, & disent que comme jeunes gens ils ont failli par ambition: laissez les eschapper en ceste sorte, & vous trouuerez que ceste clemence & misericorde vous tournera en misere & calamité bien grande. Ie n'estime point que ne teniez à chose bien griefue, que celle qu'ils ont entreprinse, & ne pense point que ne la pesez bien: car si faites ie m'en asseure, & beaucoup: mais en attédant, qui premier de vous y mette la main, vous mettez les choses en nonchaloir, & les negligez par lascheté & mollesse de courage: comme si Dieu immortel, qui par cydeuant a tousiours conserué ceste republique, la deust écore deliurer presentemet. L'assistence des Dieux ne s'acquiert seullement par veux, prieres & requestes feminines: mais toutes choses prosperent, quant on v veille & trauaille par bon conseil: que si vous vous addonnez à saineantise & paresse, n'estimez point que les Dieux vous escoutent: vous les trouuerez courroucez & ennemis à vos desseins. Torquatus du temps de nos predecesseurs, sit mourir son fils pour auoir combatu l'ennemy contre son ordonnance & ainfi ce braue adolescent souffrit la mort pour sa vaillance immoderee: Et vous P. C. tardez vous à vous resoudre quelle vengeance vous prendrez de ces cruels parricides & traistres de leur patrie? voire come si le cours passé de leur vie arguast le contraire du paricide, dont ils sont coupables: non non je veux que lon pardone à la dignité de Lentulus, si luy-mesme eut oncques soin de sa bonne renommee, & de son honnestetés si jamais il a pardoné aux dieux ou aux hommes: Qu'on ait pitié de la jeunesse de Cethegus, si ce n'est à ce coup dessa la seconde sois qu'il a entreprins contre sa patrie: Car quest-ce que je diray de Gabinius, Statilius & Ceparius, qui n'eussent oncques consulté contre la re publique, si jamais ils eussent esté de quelque mise. Finalement P. C.s'il y auoit icy lieu de pouuoir simplement faillir, je sousfrirois avsement que le succes & l'effect corrigeast vostre erreur, puis que mes parolles ne vous peuuet ameder: Mais nous sommes accablez de tous costez, Catilina presse auec son armee au dehors, autres ennemis sont dans les le circuit & au sein de ceste ville: nous ne pouuons mesmes saire aucune preparation ny deliberation d'aucune chose, qui ne leur soit reuelce, & pourtant je conclus en ceste maniere, Puis que par le conseil meschant de certains bourgeois pernicieux la republique est venue en

peril eminent, & que par les indices de T. Volumnius, & des ambassadeurs de Sauoye ils sont assez conuaincus, d'auoir voulu mettre à seu & à sac & à entiere desolation, leur patrie & leurs concitoyens, qu'il est besoing d'en prendre vengeance, comme nos ancestres ont accoustumé de faire, de ceux qui estoyent conuaincus de crimes capitaux.

Voyla l'excellente oraison de Caton, au moyen de laquelle l'auis de Cesar sut réuersé, & les prisonniers condamnez à souffrir mort violète. Laquelle harengue si vous considerez de pres, vous trouverez tresaccommodee à vos affaires. Certes, presques toutes les sentences seruét au temps present, & nous peuuent ouurir les yeux pour veoir cler en vne matiere si trouble & chattouilleuse: Pesez je vous prie les raisons de Caton: opposez les aux propos fardez de Cesar: faites puis apres comparaison de leur fait au nostre: & vous trouuerez que nous sommes en affaire & circonstances entierement semblables, lesquelles ont affaire de semblable medecine. Les vis & les autres ont conspiré contre leur patrie: Les conspirez de ce temps la, auoyent appellez les Gaulois à leur ayde : & ceux cy nous veulent liurer aux Espaignols. Ceux la pour executer leur entreprinse, auoyent brigué le Consulat de Rome: & ceux cy le supreme magistrat de Gand: Catilina l'vn de leurs chefs sortist pour faire guerre ouuerte: aussia faict pardeça le Baillif de VVaes. Lentulus & d'autres demourerent prisonniers en la ville: aussi sont Boukele, Trist, Somere &c. Ceux la cuyderet assassner le Cosul Ciceron: & ceux cy ont tasché à surprendre le Sieur d'Embize. Ceux la quoy que surprins & cogneus, trouuerent Cesar pour excuser leur faute: & ceux cy (si vray est le bruyt) ont des aduocats à force. Ceux la suyuant l'auis de Caton (qui preuoyoit le danger si lon suinoit l'auis de Cesar) surent executez extraordinairement, sans aucune misericorde: reste de faire pour semblable cause vne conclusion semblable. A Rome par la mort des Conjurez suruint grande tranquillité & joye publicque, ceux la mesmes qui au parauant s'attendoyent à choses nouuelles, approuuans l'execution, & donnans au Consul Ciceron, le nom de Pere de la patrie: Pardeça semblablement surviendra vn grand contentement entre le peuple, lequel jouissant du fruit de ceste sustice approuuera le fait, benira le magistrat, & comblera d'honneur ceux qui par ce moyen auront deliuré la republicque.

Mais dira quelqu'vn, il n'y a point de confessió de leur bouche : Ausis n'auoit le Senat de ceux qui furent executez à Rome: il n'y auoit que
des indices, des rapports d'autruy, & quelque lettre, qu'on pouvoit dire contresaite: Ouy mais les indices estoyent manisestes, les armes surent trouvees en leurs maisons, leur compaignon Catilina estoit sorty

de la ville, & appelloit mesmes les serss à la guerre: aussi s'est pardeça le Baillif de VVaes joint aux ennemis, ayant surprins au parauant Ry. pelmonde: & par l'ordonnance de qui? Au reste la saisse de Denremonde si elle n'eust faillie à leur grand regret: la correspondence auec Champaigny: les lettres enuoyees & receues de l'ennemy: les personnes enuoyees pour rapporter articles de pacification: & le jeune garçon ces annees passees depesché par Boukele, dont vous auez les informations, en somme, leurs propos ordinaires à jeun & apres boire, & mille autres circonstances faites au veu & sceu de tout le monde, ne sont ce pas indices assez manifestes? L'auteur de la responce au libelle fameux de Champaigny, ne vous a il decouuert assez en temps toute leur imposture? leurs trahisons & entreptinses? Voulez vous d'abondant vne confession verbale? mettez vn banc sur la Veerle plaetse, comme firent autresois ceux de Bruges, & lon verra si c'est à tort, que tout le monde demande justice, & qu'ils ont peur de bestes si furieuses? Qu'on interrogue, à bon escient, le Pensionaire Somere, & lon trouuera non seullement des indices, mais de confessions & de con spirations qui meritent non vne sorte de mort, mais mille gibets, seux & glaiues: Certes c'est cruauté extreme d'auoir compassion de ceux qui n'en ont pas eu de la republicque, ny d'vn million de personnes. l'ay de ma part pitié de tous gens miserables: mais plus d'auantage de moymesmes, de ma semme, de mes enfans, & sur tout den million de familles honorables, & infinité de personnes innocentes. Que si d'entre ceux dont est question, il y a personnes de qualité: aussi estoyent Lentulus & ses complices Senateurs & Preteurs de Rome. S'ils sont parens de plusieurs d'entre vous: aussi estoyent ceux la aux plus signalez de la republique. Et si naturellement nous portons affection à nostre sang: pensez que Brutus qui sit mourir ses propres ensans pour auoir conspiré contre leur patrie, n'en auoit pas faute: & toutesfois, il bandist les yeux à toutes circonstances, ne prisant rien, oultre le bien de la republique. Que siles exemples d'autruy ne vous peuuent esmouuoir, que la cossideration de vostre propre misere vous esueille: Representez vous vostre condition, si vnefois l'Espaignol deuient vostre maistre: Ayez souuenance du sacq d'Anuers: pensez qu'en tel euenement, les filles chastes sont violees: les enfans tuez enrre les bras de leur parens: le mary en la presence de sa semme : la semme sorcee en la presence du mary: les matrones pudiques assujetties au vouloir desordonné du soldat insolent : les facultez particulieres & publicques abandonnees à tout le monde: le feu par les maisons: le sang par les rues: en somme, que toutes places sont pleines de pleurs, de lamentations, & d'ombrage de mort: Si dis-je vous ne pouez imiter ny estre esmeu par l'exemple de B 111

autruy pour pouruoir à vostre saluti ayez pitié de vous mesme, de vos ensans, & de vos biens, que vons auez en sigrand'estime. Or pour euiter tout cesa, il ne saut pas disputer tant du suplice, que meritent ces traisses (car la trahison executée il n'y a plus de remede) mais empescher par vn bon essect suyuant la conclusion de Caton, que ceux que vous auez entre vos mains, n'ayent cy apres moyen de vous malsaire.

Voyla que pour responce de voz lettres je vous ay bien voulu escrire & ce d'autant plus voluntiers, que sans cela je voy peu d'apparence, que nous puissions jamais estre en temps reunis ensemble, & par ce moyen sortir de la calamité extreme, qui nous menace: comme nous

ferons encores Dieu aydant, si mettans à ce coup bon ordre à vos affaires, vous nous donnés loysir de bien penser aux nostres. Dequoy je prie à Dieu nous faire à tous la grace: me recommandant affectueusement

à la vostre.



